



Broj: T09 0 KTKV 0164621 24
Sarajevo, 27.11.2024. godine

Općinskom sudu u Sarajevu
Sarajevo
- sudiji za prethodno saslušanje -

Na osnovu člana 45. stav (2) tačka i) Zakona o krivičnom postupku Federacije Bosne i Hercegovine (ZKP FBiH) („Službene novine Federacije Bosne i Hercegovine“, br. 35/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20) i člana 241. stav (1) ZKP FBiH, p o d i ž e m

OPTUŽNICU

protiv:

MEMIĆ SENAID, rođen 1956.godine, nastanjen u ulici, Bošnjak, državljanin BiH, diplomirani inženjer poljoprivrede, penzioner, oženjen, otac dvoje djece, srednjeg imovnog stanja, JMB, pismen, VSS - doktorat, služio vojni rok u Zagrebu 1981. godine, vodi se u vojnoj evidenciji Općine Ilidža, vodi se drugi krivični postupak pred Kantonalnim sudom u Sarajevu, broj: 09 0 K 027791 23 K, po optužnici Kantonalnog tužilaštva Kantona Sarajevo broj T09 0 KTKV 0090048 22 zbog krivičnog djela Zloupotreba položaja ili ovlaštenja iz čl.383.stav 3. u vezi stava 1. KZ FBIH

što je:

1. U periodu od 14.04.2011. godine do kraja 2020. godine u općini Ilidža, sa sjedištem na adresi Butmirska cesta 12, Ilidža, Memić Senaid kao službena osoba u smislu člana 2. stav 3. Krivičnog zakona Federacije Bosne i Hercegovine (KZ F BiH), obavljajući poslove vršioца dužnosti načelnika Općine Ilidža u periodu od 2011. godine do 06.11.2012. godine, a potom načelnika Općine Ilidža, na koju funkciju je izabran 06.11.2012.godine i 01.11.2016.godine, s ciljem da uposlenicima Općine Ilidža koji su bili u statusu namještenika pribavi korist u vidu prijema i postavljenja u službi u status državnih službenika, svjesno i htijući **prekoračio** svoj službeni položaj općinskog načelnika i ovlaštenja koja ima prema odredbama člana 40., 89. i 90. Statuta Općine broj: 01-02-3125/10 od 23.11.2010. godine i članova 12. i 30. Odluke o izmjenama i dopunama Statuta broj: 01-02-1763/16-2 od 28.04.2016 godine, kojim je propisano da Općinski načelnik osigurava izvršenje svih zakonskih propisa kao i propisa općine na način i u postuku

propisanom Zakonom i tim statutom, te u izvršavanju propisa i općih akata iz samoupravnog djelokruga općine donosi opće akte i pojedinačne akte kojima se rješava o pravima, obavezama i pravnim interesima fizičkih i pravnih lica u prvom stepenu, odnosno donosi odluke, rješenja, zaključke, naredbe i druge akte za koje je ovlašten zakonom, drugim propisom, tim statutom ili aktima općinskog vijeća, i ovlaštenja propisana odredbom člana 31. Zakona o državnoj službi u Federaciji Bosne i Hercegovine („Sl. novine Federacije BiH“ br. 29/2003, 23/2004, 39/2004, 54/2004, 67/2005, 8/2006) i člana 1. Zakona o primjeni Zakona o državnoj službi u FBiH („Sl. novine KS, broj 8/11“)¹ (sve u daljem tekstu Zakona o državnoj službi u FBiH), odnosno člana 39. Zakona o državnoj službi KS ("Sl. novine Kantona Sarajevo", br. 31/2016 i 45/2019) da kao rukovodilac organa državne službe rješenjem postavlja državne službenike sa liste uspješnih kandidata koji su prošli Javni konkurs, u više navrata postupio protivno citiranim odredbama Statuta i Zakona o državnoj službi KS i u jednom navratu Zakona o državnoj službi u Federaciji Bosne i Hercegovine u odnosu na prijem i postavljenje u status državnog službenika V.Č., te protivno odredbi člana 4. stav 2. Zakona o državnoj službi KS kojom je propisano da se *Zapošljavanje u organima državne službe provodi se samo na osnovu javnog konkursa i ispunjavanja uvjeta i kriterija propisanih ovim zakonom i posebnim propisima, u skladu s kriterijima koje propisuje Vlada na osnovu ovog zakona, ...*, a što identično propisuje i član 3. stav 2. Zakona o državnoj službi F BiH, svjestan da je odredbom člana 34. u vezi sa članom 29. Zakona o državnoj službi KS propisano da *ukoliko se upražnjeno radno mjesto u organu državne službe ne bude moglo popuniti na način predviđen u čl. 32. i 33. ovog zakona, na zahtjev rukovodioca organa državne službe, Agencija objavljuje javni konkurs i provodi proceduru popune upražnjenog radnog mjesta, prema odredbama tog člana i čl. 35. i 36. ovog zakona*, a što identično propisuju i odredbe člana 24. Zakona o državnoj službi F BiH, i znajući da se radi o općinskim službenicima u statusu namještenika u Općini Ilidža i da za prijem i postavljenje u status državnog službenika moraju proći konkursnu proceduru koja se pokreće po njegovom zahtjevu i po javnom oglasu koji objavljuje i provodi Agencija za državnu službu F BiH (Agencija) (u skladu sa odredbama 34. – 39. Zakona o državnoj službi u KS, odnosno članova 25. do 31. Zakona o državnoj službi F BiH), na način da je bez upućivanja zahtjeva Agenciji i bez prethodno provedene zakonom propisane procedure javnog konkursa za prijem i postavljenje na radna mjesta državnih službenika od strane Agencije, te nakon što je prethodno donesen Pravilnik o unutrašnjoj organizaciji Jedinstvenog organa uprave, stručnih službi i posebnih službi Općine Ilidža broj: 02-02-4322/16 od 24.10.2016. godine (Pravilnik od 24.10.2016. godine), kojim je izvršeno proširenje sistematizacije radnih mjesta državnih službenika u Službama Općine Ilidža, iako svjestan da nisu ispunjeni zakonski uslovi za prijem i postavljenje državnih službenika u smislu citirane odredbe člana 39. stav 1. Zakona o državnoj službi KS, odnosno člana 31. stav 1. Zakona o državnoj službi u FBiH,

¹ Član 1. Zakona o primjeni Zakona o državnoj službi u FBiH u Kantonu Sarajevo – Primjena federalnog zakona propisano je „Zakon o državnoj službi u Federaciji Bosne i Hercegovine („Sl. novine Federacije BiH“ br. 29/2003, 23/2004, 39/2004, 54/2004, 67/2005, 8/2006) primjenjuje se u Kantonu Sarajevo, Gradu Sarajevu i općinama na teritoriji Kantona Sarajevo, do donošenja kantonalnog zakona o državnoj službi“.

pozivajući se na odredbe člana 28. stav 1. i 2. Zakona o državnoj službi KS– Odlučivanje o pravima i dužnostima državnih službenika iz radnog odnosa, kojim je propisano (1) *O pravima i dužnostima državnih službenika iz radnog odnosa, na osnovu ovog zakona, podzakonskih akata i kolektivnog ugovora, odlučuje rukovodilac organa državne službe, osim kada je zakonom i podzakonskim aktom utvrđeno da odlučuje drugi organ*, (2) *O pravima i dužnostima iz stava (1) ovog člana, donosi se rješenje*, odnosno člana 21. Zakona o državnoj službi FBiH kod postavljenja V.Č., znajući da se predmetna odredba na osnovu koje donosi rješenja ne odnosi na prijem i popunjavanje radnih mjesta državnih službenika, donio i potpisao ukupno 29 (dvadeset devet) Rješenja o prijemu i postavljenju 29 (dvadeset devet) namještenika na radno mjesto državnih službenika u Općini Ilidža, što je i htio, i to:

- 1.1. Dana 14.04.2011. godine donio i potpisao Rješenje broj: od 14.04.2011. godine kojim se V.Č. u statusu namještenika u Općini Ilidža postavlja na radno mjesto stručnog saradnika za upravno rješavanje iz oblasti privrede u Službi za privredu i turizam, koje u skladu sa članom 9. Pravilnika o unutrašnjoj organizaciji jedinstvenog općinskog organa uprave stručnih i posebnih službi Općine Ilidža broj: 02-02-1180/10 od 31.03.2010. godine (Pravilnik od 31.03.2010. godine), je sistematizovano kao radno mjesto državnog službenika, te Rješenje broj: od 20.01.2017. godine kojim se imenovana postavlja na isto radno mjesto koje u skladu sa važećim Pravilnikom broj 02-02-4322/16 od 24.10.2016. godine, potpada pod radno mjesto državnog službenika;
- 1.2. Dana 20.01.2017. godine donio i potpisao Rješenje broj: kojim se S.P. u statusu namještenika u Općini Ilidža, postavlja na radno mjesto stručnog saradnika za ostvarivanje prava iz Zakona o dopunskim pravima boraca/branitelja BiH u Službi za boračka pitanja, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.3. Dana 20.01.2017. godine donio i potpisao Rješenje broj: kojim se S.I. u statusu namještenika u Općini Ilidža postavlja na radno mjesto stručnog saradnika za zajedničke poslove u Službi za zajedničke poslove, koje u skladu sa članom 10. Pravilnika – Sistematizacija radnih mjesta 24.10.2016. godine, je sistematizovano kao radno mjesto državnog službenika;
- 1.4. Dana 20.01.2017. godine donio i potpisao Rješenje broj: kojim se M.H.Đ. u statusu namještenika u Općini Ilidža, postavlja na radno mjesto stručnog saradnika za mjere zaštite i spašavanja u Službi civilne zaštite, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.5. Dana 20.01.2017. godine donio i potpisao Rješenje broj: kojim se L.H. u statusu namještenika u Općini Ilidža, postavlja na radno mjesto stručnog savjetnika za razvoj i zaštitu čovjekove okoline u Službi za razvoj, komunalne poslove i puteve, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;

- 1.6. Dana 20.01.2017. godine donio i potpisao Rješenje broj: kojim se S.M. u statusu namještenika u Općini Ilidža, postavlja na radno mjesto stručnog saradnika za koordinaciju rada boračkih udruženja, obilježavanje značajnih ličnosti i datuma, izgradnju i obilježavanje spomen obilježja u Službi za boračka pitanja, koje u skladu sa članom 10. – Sistematizacija radnih mjesta Pravilnika od 24.10.2016. , je sistematizovano kao radno mjesto državnog službenika;
- 1.7. Dana 20.01.2017. godine donio i potpisao Rješenje broj: kojim se E.Č. u statusu namještenika u Općini Ilidža, postavlja na radno mjesto rukovodioca Stručne službe za koordinaciju rada mjesnih zajednica, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika, a prethodno Rješenje od 19.07. 2013. godine kojim se imenovanom utvrđuje koeficijent za obračun plate na osnovu Zakona o državnoj službi u FBiH (Sl novine FBiH broj 29/03, 39/04, 54/04, 67/05, 8/06 i 4/12);
- 1.8. Dana 20.01.2017. godine donio i potpisao Rješenje broj: kojim se M.H. u statusu namještenika u Općini Ilidža, postavlja na radno mjesto rukovodioca Službe za zajedničke poslove, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika, a prethodno Rješenje od 19.07.2013. godine kojim se imenovanom utvrđuje koeficijent za obračun plate na osnovu Zakona o državnoj službi u FBiH (Sl novine FBiH broj 29/03, 39/04, 54/04, 67/05, 8/06 i 4/12);
- 1.9. Dana 20.01.2017. godine donio i potpisao Rješenje broj: kojim se E.K. u statusu namještenika u Općini Ilidža, postavlja na radno mjesto stručnog saradnika za komunalne poslove u Službi za razvoj, komunalne poslove i puteve, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.10. Dana 20.01.2017. godine donio i potpisao Rješenje broj: kojim se A.Ć. u statusu namještenika u Općini Ilidža, postavlja na radno mjesto stručnog saradnika – sekretara MZ Butmir u Stručnoj službi za koordinaciju rada mjesnih zajednica, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.11. Dana 20.01.2017. godine donio i potpisao Rješenje broj: kojim se A.M. u statusu namještenika u Općini Ilidža, postavlja na radno mjesto stručnog saradnika za komunalne poslove u Službi za razvoj i komunalne poslove i puteve, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.12. Dana 20.01.2017. godine donio i potpisao Rješenje broj: kojim se E.R. u statusu namještenika u Općini Ilidža, postavlja na radno mjesto stručnog saradnika za informisanje građana u Službi za opću upravu, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;

- 1.13. Dana 20.01.2017. godine donio i potpisao Rješenje broj: kojim se N.M. u statusu namještenika u Općini Ilidža postavlja na radno mjesto stručnog saradnika za zaštitu porodice sa djecom i civilne žrtve rata u Službi za rad, socijalna pitanja, zdravstvo, izbjeglice i raseljena lica koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.14. Dana 20.01.2017. godine donio i potpisao Rješenje broj: kojim se M.H. (A.) u statusu namještenika u Općini Ilidža postavlja na radno mjesto stručnog saradnika za ostvarivanje prava iz Zakona o dopunskim pravima boraca/branitelja BIH u Službi za boračka pitanja koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.15. Dana 20.01.2017. godine donio i potpisao Rješenje broj: kojim se F.R. u statusu namještenika u Općini Ilidža postavlja na radno mjesto stručnog saradnika za finansije u Službi za finansije koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.16. Dana 20.01.2017. godine donio i potpisao Rješenje broj: kojim se A.R. u statusu namještenika u Općini Ilidža postavlja na radno mjesto stručnog saradnika za pripremu i održavanje sjednica radnih tijela Općinskog vijeća u Stručnoj službi za poslove općinskog vijeća koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.17. Dana 20.01.2017. godine donio i potpisao Rješenje broj: kojim se F.H. u statusu namještenika u Općini Ilidža postavlja na radno mjesto stručnog saradnika za ljudske resurse i poslove obuke u Stručnoj službi općinskog načelnika koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.18. Dana 20.01.2017. godine donio i potpisao Rješenje broj: kojim se L.K. u statusu namještenika u Općini Ilidža postavlja na radno mjesto stručnog saradnika za stambene poslove u Službi za imovinskopravne, stambene, geodetske poslove i katastar nekretnina koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.19. Dana 20.01.2017. godine donio i potpisao Rješenje broj: kojim se D.T. u statusu namještenika u Općini Ilidža postavlja na radno mjesto stručnog saradnika – sekretara MZ Lužani u Stručnoj službi za koordinaciju rada mjesnih zajednica, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.20. Dana 20.01.2017. godine donio i potpisao Rješenje broj: kojim se A.M. u statusu namještenika u Općini Ilidža postavlja na radno mjesto stručnog saradnika – sekretara MZ Hrasnica I u Stručnoj službi za koordinaciju rada mjesnih zajednica, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;

- 1.21. Dana 20.01.2017. godine donio i potpisao Rješenje broj: kojim se E.I. u statusu namještenika u Općini Ilidža postavlja na radno mjesto stručnog saradnika za turizam u Službi za privredu i turizam, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.22. Dana 20.01.2017. godine donio i potpisao Rješenje broj: kojim se M.Đ. u statusu namještenika u Općini Ilidža, postavlja na radno mjesto stručnog saradnika – sekretara MZ Vreoce- Vrelo Bosne u Stručnoj službi za koordinaciju rada mjesnih zajednica, koje u skladu sa članom 10. – Sistematizacija radnih mjesta Pravilnika od 24.10.2016. godine, je sistematizovano kao radno mjesto državnog službenika;
- 1.23. Dana 22.06.2018. godine donio i potpisao Rješenje broj: kojim se A.H. u statusu namještenika u Općini Ilidža postavlja na radno mjesto stručnog saradnika za geodetske poslove i katastar nekretnina u Službi za imovinsko – pravne, stambene, geodetske poslove i katastar nekretnina – Odsjek za geodetske poslove i katastar nekretnina, koje u skladu sa članom 10. – Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 i 02-02-4322/16-3 je sistematizovano kao radno mjesto državnog službenika;
- 1.24. Dana 22.06.2018. godine donio i potpisao Rješenje broj: kojim se A.K. u statusu namještenika u Općini Ilidža postavlja na radno mjesto stručnog saradnika za geodetske poslove u Službi za prostorno uređenje, koje u skladu sa članom 10. – Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 i 02-02-4322/16-3, je sistematizovano kao radno mjesto državnog službenika;
- 1.25. Dana 22.06.2018. godine donio i potpisao Rješenje broj: kojim se M.A. u statusu namještenika u Općini Ilidža postavlja na radno mjesto stručnog saradnika za provođenje katastarskih promjena u Službi za imovinsko - pravne, stambene i geodetske poslove i katastar nekretnina - Odsjek za geodetske poslove i katastar nekretnina, koje u skladu sa članom 10. – Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 i 02-02-4322/16-3, je sistematizovano kao radno mjesto državnog službenika;
- 1.26. Dana 22.06.2018. godine donio i potpisao Rješenje broj: kojim se M.H. u statusu namještenika u Općini Ilidža postavlja na radno mjesto stručnog saradnika za geodetske poslove i katastar nekretnina u Službi za imovinsko – pravne, stambene, geodetske poslove i katastar nekretnina - Odsjek za geodetske poslove i katastar nekretnina, koje u skladu sa članom 10. – Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 od 25.11.2016. godine, 02-02-4322/16-2 od 06.12.2017. godine, 02-02-4322/16-3 od 04.06.2018. godine, je sistematizovano kao radno mjesto državnog službenika,
- 1.27. Dana 18.11.2019. godine donio i potpisao Rješenje broj: kojim se M.R. u statusu namještenika u Općini Ilidža postavlja na radno mjesto stručnog saradnika za razvoj infrastrukture u Službi za razvoj, komunalne poslove i puteve, koje u skladu sa članom 10.

- Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 od 25.11.2016. godine, 02-02-4322/16-2 od 06.12.2017. godine, 02-02-4322/16-3 od 04.06.2018. godine, 02-02-4322/16-4 od 05.06.2018. godine, 02-02-4322/16-5 od 01.11.2018. godine, je sistematizovano kao radno mjesto državnog službenika;
- 1.28. Dana 18.11.2019. godine donio i potpisao Rješenje broj: kojim se H.M. u statusu namještenika u Općini Ilidža postavlja na radno mjesto stručnog saradnika za urbanizam i prostorno planiranje u Stručnoj službi za prostorno uređenje, koje u skladu sa članom 10. – Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 od 25.11.2016. godine, 02-02-4322/16-2 od 06.12.2017. godine, 02-02-4322/16-3 od 04.06.2018. godine, 02-02-4322/16-4 od 05.06.2018. godine, 02-02-4322/16-5 od 01.11.2018. godine, je sistematizovano kao radno mjesto državnog službenika;
- 1.29. Dana 18.11.2019. godine donio i potpisao Rješenje broj: kojim se F.S. u statusu namještenika u Općini Ilidža postavlja na radno mjesto stručnog saradnika za razvoj infrastrukture u Službi za razvoj, komunalne poslove i puteve, koje u skladu sa članom 10. – Sistematizacija radnih mjesta Pravilnika od 24.10.2016. godine i njegovim izmjenama broj 02-02-4322/16-1 od 25.11.2016. godine, 02-02-4322/16-2 od 06.12.2017. godine, 02-02-4322/16-3 od 04.06.2018. godine, 02-02-4322/16-4 od 05.06.2018. godine, 02-02-4322/16-5 od 01.11.2018. godine, je sistematizovano kao radno mjesto državnog službenika,

a potom znajući da je odredbom člana 39. stav 10. Zakona o državnoj službi u KS („Službeni glasnik RS broj 31/16 i 45/19“) propisano da se „*jedan primjerak rješenja o postavljenju državnog službenika dostavlja Agenciji radi evidentiranja u Registru državnih službenika u roku od osam dana od dana donošenja rješenja*“, a sve u cilju prikrivanja opisanog nezakonitog postupanja, svjesno *nije dostavio* predmetna rješenja Agenciji za državnu službu FBiH radi evidentiranja uposlenika u Registar državnih službenika, a zatim svjestan svih svojih opisanih nezakonitosti, u cilju održavanja istih, a nakon što je dana 20.07.2020. godine donesen Pravilnik o unutrašnjoj organizaciji Jedininstvenog općinskog organa uprave, stručnih službi i posebnih službi u Općini Ilidža, broj: 02-02-3068/20 sa utvrđenim brojem izvršilaca, dana 26.08.2020. godine ponovo donio rješenja kojim se navedeni službenici, i to: A.K., S.P., S.I., L.H., M.Dž. – H., M.A., E.Č., M.H., M.H., M.R., H.M., E.K., A.Ć., A.M., M.N., A.H., E.R., A.R., F.R., M.H., L.K., F.H., D.T., F.S., V.Č., A.M., E.I., M.Đ. i S.M. raspoređuju na ista radna mjesta državnih službenika u skladu sa novim Pravilnikom, a potom dana 04.11.2020. godine pri samom isteku mandata općinskog načelnika svjestan svih svojih opisanih nezakonitosti i odredbe člana 34. stav 1. Zakona o državnoj službi KS kojom je propisano da *Ukoliko se upražnjeno radno mjesto u organu državne službe ne bude moglo popuniti na način predviđen u čl. 32. i 33. ovog zakona, na zahtjev rukovodioca organa državne službe, Agencija objavljuje javni konkurs i provodi proceduru popune upražnjenog radnog mjesta, prema odredbama ovog člana i čl. 35. i 36. ovog zakona*, i znajući da je po prethodno donesenim rješenjima već popunjeno 29 radnih mjesta državnih službenika kako je to opisano, uputio Agenciji za državnu službu FBiH tri zahtjeva za

popunu 33 upražnjena radna mjesta državnih službenika i raspisivanje tri konkursa, broj: od 30.10.2020. godine, od 30.10.2020. godine i od 30.10.2020. godine, pri tome ne dostavljajući Agenciji podatke da su 29 radnih mjesta za koje traži raspisivanje konkursa već popunjena po odlukama – rješenjima o prijemu i postavljenju navedenih uposlenika u status državnih službenika koja je sam donio i potpisao, što je i htio, te nakon što je Agencija, ne znajući da su radna mjesta već popunjena, dala traženu saglasnost i raspisala 3 javna konkursa za popunu radnih mjesta državnih službenika u Općini Ilidža za ukupno 33 izvršioca kako je Senaid Memić i tražio, Upravni inspektorat KS po izvršenom inspeksijskom nadzoru svojim Rješenjem broj: od 10.12.2020. godine imenovanom zabranio dalje poduzimanje radnji u vezi sa predmetnim konkursima i naložio otklanjanje nedostataka, na koji način je Senaid Memić uposlenicima Općine Ilidža koji su bili u statusu namještenika omogućio korist u vidu zapošljavanja - prijema i postavljenja u status državnih službenika direktnim postavljenjem bez provođenja javnog konkursa, a koja korist se ogleda i u napredovanju kroz sistem državne službe i beneficije koje taj status nosi.

2. U vremenskom periodu od 18.01.2011. godine do 10.04.2015. godine, u Općini Ilidža, sa sjedištem na adresi Butmirska cesta 12, Ilidža, Memić Senaid obavljajući poslove načelnika Općine Ilidža na koju funkciju je izabran 06.11.2012.godine i 01.11.2016.godine, a prethodno obavljajući funkciju vršioca dužnosti načelnika Općine Ilidža, i koji je kao rukovodilac organa državne službe imao ovlaštenja prema članu 41. 89. i 90. Statuta Općine broj: 01-02-3125/10 od 23.11.2010. godine i članova 12. i 30. Odluke o izmjenama i dopunama Statuta broj: 01-02-1763/16-2 od 28.04.2016 godine, kojim je propisano da Općinski načelnik osigurava izvršenje svih zakonskih propisa kao i propisa općine na način i u postupku propisanom Zakonom i tim statutom, te u izvršavanju propisa i općih akata iz samoupravnog djelokruga općine donosi opće akte i pojedinačne akte kojima se rješava o prvim, obavezama i pravnim interesima fizičkih i pravnih lica u prvom stepenu, odnosno donosi odluke, rješenja, zaključke, naredbe i druge akte za koje je ovlašten zakonom, drugim propisom, tim statutom ili aktima općinskog vijeća, i da u skladu sa članom 1. Zakona o primjeni Zakona o državnoj službi u FBiH („Sl novine KS, broj 8/11) i članom 31. stav 1. Zakona o državnoj službi FBiH („Sl novine Federacije BiH“ br. 29/2003, 23/2004, 39/2004, 54/2004, 67/2005, 8/2006) (sve u daljem tekstu Zakona o državnoj službi u FBiH) *kao rukovodilac organa državne službe postavlja rješenjem državnog službenika, uz prethodno pribavljeno mišljenje Agencije s liste uspješnih kandidata koji su prošli javni konkurs, svjestan zabranjenosti djela, a u cilju pribavljanja koristi supruzi V.M. u vidu napredovanja u službi i održavanja radnopravnog statusa rukovodećeg državnog službenika u Općini Ilidža za sve vrijeme dok je imenovana obavljala poslove javne funkcije izvan Općine Ilidža, postupio protivno važećim propisima Zakona o državnoj službi u FBiH, pa nakon što je njegova supruga V.M. do tada postavljena/raspoređena na radno mjesto šefa Stručne službe Općinskog vijeća i Općinskog načelnika u Općini Ilidža koje predstavlja mjesto rukovodećeg državnog službenika, odlukom Vlade Kantona Sarajevo broj: 01-05-426/11 od*

13.01.2011. godine imenovana na javnu dužnost ministrice Ministarstva za rad, socijalnu politiku, raseljena lica i izbjeglice Kantona Sarajevo, Senaid Memić svjesno i htijući **prekoračio** svoj službeni položaj i ovlaštenja propisana citiranim članovima Statuta Općine Ilidža i Zakona o državnoj službi FBIH, svjestan da je članom 19. tačka c) Zakona o državnoj službi u FBIH propisano da „s izuzetkom rukovodećih državnih službenika, smatrat će se da je državni službenik na odsustvu iz državne službe od trenutka kada je potvrđena njegova kandidatura za javnu funkciju na koju se bira direktno ili indirektno, ili od trenutka kada je imenovan na položaj u bilo kojem zakonodavnom ili izvršnom organu na bilo kojem nivou vlasti u Federaciji i u Bosni i Hercegovini. U tom slučaju rukovodeći državni službenik podnosi ostavku na mjesto u državnoj službi“ i tačka d) „državni službenik iz stava 1. tačke c) ovog člana, s izuzetkom rukovodećih državnih službenika, može se vratiti na isto ili slično radno mjesto u istom ili drugom organu državne službe najkasnije u roku od mjesec dana od nastupanja sljedećih slučajeva: neuspjeha na izborima, završetka mandata i prestanka funkcije u zakonodavnom ili izvršnom organu na bilo kojem nivou vlasti u FBIH“, na način da je dana 18.01.2011. godine donio **rješenje broj** kojim se imenovanoj određuje mirovanje prava i obaveza iz radnog odnosa u Općini Ilidža, te nakon što joj je istekao mandat na toj funkciji sa danom 16.07.2012. godine, postupio protivno svim navedenim odredbama i odredbi člana 3. stav 2. Zakona o državnoj službi u FBIH kojim je propisano da „se zapošljavanje i unapređenje profesionalne karijere državnog službenika temelji se na javnom konkursu i profesionalnoj sposobnosti, i da se zapošljavanje u organima državne službe vrši samo na osnovu javnog konkursa i ispunjavanja uvjeta i kriterija propisanih ovim zakonom i posebnim zakonom, te u skladu s kriterijima propisanim podzakonskim propisima donesenim na osnovu zakona“, pa je bez provedene konkursne procedure za prijem i postavljenje u status državnog službenika i procedure napredovanja i unapređenja u državnoj službi, **dana 16.07.2012. godine** donio Rješenje broj kojim V.M. postavlja na radno mjesto Sekretara općinskog organa uprave Općine Ilidža koje je prema važećem Pravilniku od 31.03.2010. godine sistematizovano kao radno mjesto rukovodećeg državnog službenika, što je i htio, a potom nakon što je V.M. ponovno imenovana na javnu funkciju ministrice Ministarstva pravde i uprave Kantona Sarajevo prema odluci Vlade Kantona Sarajevo broj: 01-05-29184/12 od 21.11.2012. godine, **prekoračio** svoj službeni položaj i ovlaštenja propisana citiranim članovima Statuta Općine Ilidža i Zakona o državnoj službi u FBIH, svjestan odredbi člana 19. tačka c) i d) Zakona o državnoj službi u FBIH prema kojim imenovanoj kao rukovodećem državnom službeniku mora prestati radni odnos u državnoj službi jer je imenovana na položaj ministrice u izvršnom organu, na način da je postupio protivno svim navedenim odredbama Zakona o državnoj službi FBIH donio i potpisao **Rješenje broj** od **27.11.2012. godine** kojim je V.M. određeno mirovanje prava i obaveza iz radnog odnosa u Općini Ilidža radi imenovanja na javnu funkciju ministrice Ministarstva pravde i uprave Kantona Sarajevo prema odluci Vlade Kantona Sarajevo broj: 01-05-29184/12 od 21.11.2012. godine, iako je znao da je kao rukovodilac organa bio dužan donijeti rješenje o prestanku radnog odnosa, što nije učinio, da bi ponovo

nakon isteka mandata na navedenoj javnoj funkciji V.M. dana 06.04.2015. godine, postupajući suprotno citiranim zakonskim odredbama i bez provedene konkursne procedure za prijem i postavljenje u status državnog službenika imenovane i procedure napredovanja i unapređenja u državnoj službi, svjestan svih svojih opisanih nezakonitosti, donio **Rješenje broj** od 10.04.2015. godine kojim imenovanu postavlja na radno mjesto rukovodećeg državnog službenika – Sekretar općinskog organa uprave Općine Ilidža, što je sve i htio, te ovaj status održavao Rješenjem broj: od 20.01.2017. godine i Rješenjem broj: od 26.08.2020. godine do dana 31.12.2020. godine kada je imenovanoj prestao radni odnos zbog penzionisanja, s obzirom na vremensku povezanost protivpravnih radnji i način preduzimanja istih, na koji način je rukovodećem državnom službeniku u Općini Ilidža, svojoj supruzi, V.M. omogućio korist u vidu ostvarivanja prava na mirovanje prava iz radnog odnosa kao rukovodećeg državnog službenika za sve vrijeme dok je imenovana obavljala poslove javne funkcije u izvršnom organu vlasti, izvan Općine Ilidža, i korist u vidu postavljenja u status rukovodećeg državnog službenika u Općini Ilidža sa beneficijama koje taj status nosi, bez provođenja konkursne procedure.

Dakle, Memić Senaid pod tačkom 1. i 2. kao službena osoba u Federaciji, prekoračio granice svoje službene ovlasti kako bi drugom pribavio kakvu korist,

Čime bi Memić Senaid počinio krivično djelo Zloupotreba položaja ili ovlaštenja iz člana 383. stav 1. KZ F BiH u produženom djelovanju, u vezi sa članom 55. KZ FBiH.

Na osnovu člana 71. stav (1) tačka c) KZ FBiH, člana 76. KZ FBiH i člana 420. ZKP FBiH, podnosimo:

PRIJEDLOG ZA IZRICANJE SIGURNOSNE MJERE

Predlažemo da se, ukoliko nakon provedenog glavnog pretresa osumnjičeni Memić Senaid bude oglašen krivim, prema istom izrekne sigurnosna mjera *zabrana vršenja poziva, aktivnosti ili funkcija* i to zabrana obavljanja poslova bilo kojeg odgovornog lica u državnim organima, javnim preduzećima, javnim ustanovama ili bilo kojim drugim pravnim licima, kojima je na osnovu zakona ili drugog propisa donesenog na osnovu zakona povjereno vršenje javnih ovlaštenja u trajanju od deset godina, računajući od dana pravosnažnosti odluke.

KANTONALNI TUŽILAC